


斬滅金宮邪怪靈符



斬滅水宮邪怪靈符



靈寶無量度人上品妙經卷之五十四 宮四

斬滅不祥品

道言昔於始青天中紫陽泛歌大福樂土受  
元始度人斬滅不祥妙品元始天尊當說是  
經周迴十過以召十方始當詣座天真大神

上聖高尊妙行真人靈威神王黑天玉京大  
將斬邪滅毒威兵巨魁伏魔誅寇都吏無鞅  
數衆乘空而來寶雲接天明霞覆海瑤車玉  
輪珠景垂陸飛華妙光疊彩葱蒼森映碧空  
三日三夜詣天宮殿山川谿谷混交九色三  
辰定照五斗停機四極運明神烟澄霽一因  
地土都鄙人物透相鑒燭萬身入於一身一  
影普涵萬影色空同顯神氣合冥遐邇若等  
無復高下土變柔碧洞徹九虛衆真侍座  
元始天尊玄坐雙景廻旋神龍天寶之座說  
經一遍諸天大聖同時稱善是時一國男女  
天身淨睦妙香飄馥說經二遍天境高嚴九  
霄散綺說經三遍沆露凝珠寶林綴網說經  
四遍天籟成音瓊金流響自然法唱讚詠冲  
玄說經五遍水光湛瑩海嶽呈祥說經六遍

飛仙揚花彌空錦色說經七遍靈威降世掃  
滅氛氛說經八遍三界蒙福人道安寧說經  
九遍六氣順常三災消殄說經十遍天真下  
濟說法度人是時一國是男是女莫不傾心  
皆受護度咸得長生

道言是時元始天尊說經一遍東方無極無  
量品靈威勅法大神無鞅之衆浮空而至說  
經二遍南方無極無量品靈威斬秋大神無  
鞅之衆浮空而至說經三遍西方無極無量  
品靈威斬鬼大神無鞅之衆浮空而至說經  
四遍北方無極無量品靈威斬精大神無鞅  
之衆浮空而至說經五遍東北無極無量品  
靈威典獄大神無鞅之衆浮空而至說經六  
遍東南無極無量品靈威斬邪大神無鞅之  
衆浮空而至說經七遍西南無極無量品靈  
威飛符大神無鞅之衆浮空而至說經八遍  
西北無極無量品靈威吐毒大神無鞅之衆  
浮空而至說經九遍上方無極無量品靈威  
九首大神無鞅之衆浮空而至說經十遍下  
方無極無量品靈威殺伐大神無鞅之衆浮

空而至十遍周竟十方無極靈威大神一時  
同至一國男女傾心歸仰來者有如歸雲歛  
霧無殃之衆遍滿一國咸觀和寧斬穢群醜  
不祥捐蕩境宇鎮清駢沓疑瞻非可禁止於  
是元始天尊於肩間示現金色光明色光宛  
轉於其光中化出十方宮殿戶牖敞對重堂  
巍閣光氣同流冉冉淨空去地五丈也元始  
登引天真大神上聖高尊妙行真人十方無  
極靈威大神無鞅數衆俱入化宮之中天人  
仰看惟見勃勃從化官金光中入既入光中  
不知所在國人廓散神官流轉勢如旋虹元  
始即於其內說經都竟衆真監度以授於我  
當此之時喜慶難言法事粗悉諸天復位條  
獻之間寂無遺響是時天人過值經法普得  
濟度邪正道分斬魔賊祛蕩滅不祥傾土歸  
仰咸行善心正智正道正神正念正思正意  
正力正威正行正儀言詞朗直口慧和聲齊  
同慈愛異骨成親國安民豐欣樂太平正教  
開廓應應誠平道妙至真悉廣明心寶奉宗  
禮皆得度世

道言元始天尊說經中所言並是諸天上帝  
正真內名隱韻之音亦是十方靈威神王內  
諱斬穢不祥之隱名也非世之常辭上聖已  
成真人探妙極微能悉其章誦之十過諸天  
命靈八威鼓氣神官執刺魔帥稟章綱緯合  
軌元魁吐暉邪精滅迹鬼徒喪形正道通心  
真光衛莫陽施至德死而更生至學之士誦  
之十過則九天策名五帝給乘三元備兵惡  
注逃殞生功充盈邪關杜塞赤書降庭福源  
自布災殃不經所以爾者學士感徹玉清高  
上遐鑒羽條列管召制十方威被六天道為  
太極所仰萬靈咸尊已試無難固守黃寧地  
祇敬伏攝御魔靈辟除災病永與生存輕誦  
此章削落胎元神虛地摧七魄臨揚供養專  
禮門戶與隆霄降契福祿共滂大帥兼誠  
斬穢不祥世授道德孫葉茂昌慶善相因萬  
災伏藏斯經專妙獨安玉京度人無量為大  
法之宗魏魏正氣天德自勝  
道言凡誦是經十過諸天齊到神綱五斗巨  
天斬穢天駟甲士威南巨兵五天大帥部率

十方靈威河魁大神銜符操劍即至其所接  
捕九醜暗澤幽川古空巫祠一切妖魅及以  
冤英依附木石潛遶生人誣訟三官覲伺禱  
祭四目大呼神虎奮翅毒獸舉牙擲火激電  
斬首誅耳世之不祥應皆蕩也上學之士  
修誦是經青房大神鳴鈴以却穢紫戶將軍  
引劍以辟魔玉女叩瓊於九室黃老振音於  
三素也世人受誦則延壽長年黃庭之下戶  
白雲之窮閭泉曲寒池萬鬼頭繫腎液不波  
水怪竄迹上官唱善三府樂玄後皆得作尸  
解之道魔鬼不得而微呼地司不待而攝錄  
神氣蘊形自成法體魔精受鍊飛行太空此  
經微妙普度無窮一切天人莫不受慶天界  
五魔中元五尸地司五考永斷不祥長保元  
吉無量之福生死蒙惠上天所寶不傳下世  
至士齋金寶效心盟天而傳輕泄漏慢殃及  
九祖長役鬼官侍經五帝玉童玉女各二十  
四人營衛神文保衛受經者身  
道言正月長齋誦詠是經召攝北清洞陰等  
神部督神兵奏詣上官七月長齋誦詠是經

召攝中天五帥三界大魔紫微帝君統按百  
神滌蕩邪源掃滅秋氛十月長齋誦詠是經  
召攝六天洞臺之靈三官曹局考覈大神執  
御八山勾鎖初殺大神九百龍君斬賊故氣  
不祥窮蒐五瘟疫毒土木百精害於生類羗

夷鬼神使國界安寧人民遂成國王帝主君  
臣父子安鎮國祚保天長存世世不絕常為  
人君安鎮其方民稱太平八節之日誦詠是  
經召攝八天大威烟火洞熏太一八神八殺  
靈君頌駕風雲遊跨九官孤虛奇門斬賊不

祥無使亂程本命之日誦詠是經召攝三真  
升入泥丸斗極紫烟中黃上真口吐青華鎮  
兆等身三尸消落殃疰枯焚黑結白斬斬伐  
無停三帝紀功七真運靈神童導前身有光  
明三界侍衛五帝司迎萬神朝禮名書上天

功滿德就飛昇上清  
道吉行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐青黃白三色雲  
氣之中內外翳冥有青龍白虎朱雀玄武

獅子白鶴羅列左右三天直事左右兵吏  
殺鬼使者斬賊天賜森然備衛日月照明  
洞煥室內項生圓象光映十方如此分明  
審呪曰

無上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十二人開啓所言今日吉慶  
長齋清堂修行至經無量度人願所啓上徹  
徑御  
無上三十二天元始上帝至尊几前畢

引炁三十二過東向誦經

元始無量度人上品妙經

元始洞玄靈寶本章斬賊不祥十迴度人破  
邪隱顯離合自然太元无名混洞吐清太一  
正真化為老人紫羽錦楊腰帶流鈴首建天  
英執御洞經口吐靈和斬賊百精天和至真

真氣煥明五色玄黃八角成文龍章虎書符  
圖啓靈化生六甲役使六丁三元定錄五帝  
變形開廓陰穢正道幸與無文不先無文不  
明無文不立無文不成無文不度無文不生  
是謂大梵天中之天玉符妙重諸天所尊變

化金闕上清之神太霄九華梵氣洞冥國羅  
紫極七九合玄臺玉京中有上皇斬邪討  
斬惡源消斷真道自然自然靈威火山夷池  
治鍊至神龍中鳳衣主攝不祥聖曠通開萬  
二千神符圖火兵俠衛上皇都校三元眇眇

玄道若亡若存雙景內朝陰陽循環紫景白  
靈嚴駕不停大行梵氣周迴十方中有三天  
正法之神中有北玄斬邪之君中有司禁勅  
法之神中有神符保命之君中有六天普護  
丈人中有九天司命採察之君巡遊五嶽丈

人都禁真官身化水火立生風雲神公萬億  
虎賁兆民斬賊不祥無量度人今日校錄諸  
天臨軒  
東方無極靈威神王長生大聖無量度人  
南方無極靈威神王長生大聖無量度人

西方無極靈威神王長生大聖無量度人  
 北方無極靈威神王長生大聖無量度人  
 東北無極靈威神王長生大聖無量度人  
 東南無極靈威神王長生大聖無量度人  
 西南無極靈威神王長生大聖無量度人  
 西北無極靈威神王長生大聖無量度人  
 上方無極靈威神王長生大聖無量度人  
 下方無極靈威神王長生大聖無量度人  
 十方至真靈威神王長生度世無量大神並  
 乘紫氣丹霞個光赫衛翠旌錦節素盞瓊與  
 騎御龍虎導從仙真建五神流輝之幢三素  
 翔鸞之綵前嘯玉籟齋唱後吹碧簫同鳴絳  
 鶴青禽嘯歌囉囉四明治道五仙陪車億乘  
 萬騎浮空而來傾光迴駕檢錄不祥諸天上  
 公北都真宰九天都司七政八靈騁霧凌風  
 奔馳夾獸擲旗鼓革號呼獵響執案考籍齊  
 到帝前隨所應度嚴校諸天下及人都幽關  
 冥界無極神鄉泉曲之府北都羅鄴三官九  
 府十二河源燦羅鬼國二十四境幽獄罪徒  
 生蒐死魄停繫嶽瀆注害世間喜為不祥促

人壽命終災與毒成厄誣冤放施毒邪臨民  
 命缺使福德不備智暗偏稟剋天族屬陰曹  
 肆便究惑綿邈嚴奉赤文祗行符命神刀斬  
 戮萬鬼糜睛解釋租考德劫種親及大魔冤  
 攻蝕攝考肆虐生民不得拘留逼合鬼群元  
 始符命時刻昇遷赦過伐罪一一記名北都  
 寒池部衛形寬制魔保舉度品南宮世無災  
 殃福慶自生不斬賊者鬼錄課盟死冤受鍊  
 仙化成人生身受度億劫無傾陰陽九六常  
 與善循隨劫輪轉與天齊年永度三途五苦  
 八難超凌三界逍遙上清上清之天天帝玉  
 真無色之境梵行

東方八天  
 紫景玉華天 帝肇符喜生  
 都極重明天 帝鬱黎兼登  
 宣真都正天 帝覺霞定符  
 穹耀思微天 帝正辨九區  
 蒼微露帶天 帝敦和學謀  
 至正常無天 帝孔彰儀能  
 靈姬華符天 帝元昌崇

耀樞觀化天 帝龍扶越聰  
 南方八天  
 赤明耀明天 帝寶須鸞蒲  
 阮諸綿丙天 帝珠銀秘園  
 太真素霞天 帝鳳跋玉孫  
 道山空際天 帝九星演湖  
 洞浮紫華天 帝光平敷  
 元理妙機天 帝奧庭竟星  
 嶠嶼洞洪天 帝列南彥冥  
 烈燄高晨天 帝靈輔元需  
 西方八天  
 寥霞雲素天 帝偃庭千鉞  
 化宛丘緒天 帝援揚斗然  
 九道化陽天 帝勃羅會明  
 八地素曆天 帝願慈真迤  
 太微妙觀天 帝孽頤昭淵  
 飛華浩圓天 帝蕭祺夷妃  
 金映灑都天 帝那離權機  
 玉鍊道成天 帝虞亭珎  
 北方八天

冥洞斗魁天 帝術避卷承

維室羅宏天 帝雲芴潛虛

玄靈修化天 帝尚賢玉明

陰真穹臺天 帝羅都元虛

太霞玄真天 帝暮緣景昌

混明耀景天 帝真期陽

靜順慶宗天 帝都靜社詹

玄精秀光天 帝卞丁千期

三十二天三十二帝諸天隱諱諸天隱名天

中空洞自然靈章諸天隱諱天正之音天正

之壽天正之神天正大魔天正之靈氣和道

合變化北清出教布正萬邪莫干劫芒斬衆

鬼井逃奔玄文紫書雲篇洞章敷落神真普

度天人生兆正氣奕奕法輪長矛巨矢瀝血

喪睛今日急速關察火令橫摧斬滅剋滅五

帝列儀夫烟萬丈雷電交馳車破鬼營兵散

積屍冥官送撤九道併追飛行五門順逐三

奇神王稽顙六天迎魔東斗降氣西斗垂網

此斗劫法南斗火然中斗紫宸役御九天青

帝變文白帝斬形赤帝傳符黑帝運神黃帝

出今萬靈咸聽青天神王瞿羅彭與赤天神

王鼓畢冲明白天神王虎目昌英黑天神王

礪石濼凌黃天神王晶都深凝五天神王萬

神之宗斬鬼億千骸殄不祥總領鬼兵泛冰

大荒庵懂鼓節遊盼翔翔霞結成書龍舉為

章火風赫炎諸天齊功上天斬邪嚴攝壯鄭

神公受命音梯不祥丹靈敷熾黃越誅殃六

手操兵鐵額擲烟食邪之獸啖鬼之王霜甲

秋陣絞氣夜河元帥統軍大帝命魔玄老前

戮龍將殿圍擁騎雲馮玉鉞迎阿玄獸吞鎗

青斗列言速登我前敢有干試拒遏上真明

葆轉碧鸞惟翊軒萬放震遠群真回軒屠割

摧裂毒求激淵邪道靜默有誅無捐萬萬截

首千千剝劫魔無干犯鬼無杖精三官此鄙

明檢鬼管不得容隱金馬驛呈普告無窮靈

威俯聽地司五皇列言上清

寥無快運幽虛舍精龍漢廷康浩浩赤明劫

成界開陰陽體名倏忽變化三景玉清上通

無玄下際無淵風為陰火水為陽津風秀成

爛水凝為石洞虛穹貫三十二天中有正氣

為道高真辟除萬邪會歸正明至化通玄鬼

試莫干道為天父神為氣根金剛乘天天無

幽冥天無形影天無極窮溟溟大荒為道之

宗遼廓天光萬象畢容爰有九都為鬼之皇

與帝同生龍穴榜徨擅治六天害正無光元

始開圖赤明洞張三界化現千神佩璫玉文

誅斬賊滅不祥麟述虎符飛雲併滅元氣成

符精魁滅亡帝一捧日玉女侍傍梵氣流行

仙聖覆覆正意梵魔萬法克揚給雲架霞顯

珠垂芒丹繩絳縷屈曲低昂上布玉清三十

二天輪轉無色周迴十方玉宇分譯大極洞

房長樓寶山妙臺玉堂正天運度消滅不祥

氣運五色玉虹莫方旋角歷底遠心蒂奎牛

女入斗冥秋四飛橫度中樞迴行五緯二十

八舍總氣真元八威合氣氣入太元玄中帝

皇洞陰此真身帶瓊璽頭建神光泛景紫霞

彌諫洞章流鈴電火響震鬼營玉真吐氣靈

官騎星風火救命金石生烟地囊洋潰屍魁

界仙千化萬移自然知真知真得道道性通

神中有至真長生大君九氣丈人八極專神

1101140107

五天元宰總正神靈太一轉式司命揀卿齊  
到下方斬伐秋倫符籙前驅兵馬糾紛青誓  
缺孽赤靈考覈校約宿命俱奏是倫上遊上  
清出入黃房八冥之內鬼道不祥未送帝君  
及於世間生化所因不得隱避枉禍善人細

微之中下鎮人身泥九絡官黃池紫海十二  
之泉寒夜幽路百鬼之群佩服者書八會神  
文氣血流轉斬馘邪神鬼租畢陽聽命喪精  
寶符降告變骨成真中理五氣混合百神十  
轉回靈萬氣齊仙仙道自生無量度人神入  
天門心自通真神珠運行如大法輪精守禁  
戒信悟因緣心目為開見道真形普受開度  
死鬼生身身得受生上聞諸天諸天之上各  
有生門變極不窮自然常存存者無形空洞  
合明誦歌之章神王靈篇辭參高真

第一天界靈威正道神王飛空之音  
玉戴碧嗟 鳳軒八散 雲鶴在樓  
飛仙俯仰 金馬奔衝 星階重重  
太極化生 真人遊龍 正氣盤礴回  
車梁光無窮 赤書布金斗 立召四目翁

為誅萬道魔 千邪不為山 三明炯無昏  
壽以浩劫終 天老發紺城 長劍磨太嵩  
精崇滅形影 哀哀長刀風 我降九霄氣  
嚙之洞樓中 施以救世悲 成此脫度功

第二人界靈威破邪神王之章

絳章虎蒙 泛華十天 龍刀斬邪  
六道侍軒 印光凝海 劍氣飛雷  
戮滅不祥 正道所歸 小醜其何  
禍試之媒 我有洞章 斬害元施  
大君惠生 慶錫難老 金華九色  
與天相保 靜智合神 玄元體妙  
蠢茲繁生 蒙蔽真道 廣度天人  
萬善同因 劫界共長 上帝宏恩  
制魔成真 天蘇紀名 邪無干犯  
仙聖受盟 元始洞空 悟者幾人  
能悟自然 泠泠玉音

第三地界靈威新鬼神王歌曰

茫茫地壘 下有重山 蒼崖白雲  
往者不還 太上哀之 請度無間  
神風飄震 碧玉粲環 出書九幽

赤文乃宣 制魄拘鬼 斷此幽關  
生類何辜 刑禍辱類 明明太帝  
正氣自然 眞道正明 子得昇遷  
捨此塵埃迷 庶免陰邪源 我有元始章  
誦誦萬祖遷 結滯超然散 默契歸無言

度人豈終窮 勸此眞王篇

此三界之上飛空之中眞王歌音參洞章  
誦之百遍名度南宮誦之千遍眞王保迎萬  
過道備飛昇太空過度三界位登仙公有聞  
靈音神王敬形勅制地祇侍衛送迎拔出地  
戶五苦八難七租昇遷永離鬼官寬度朱陵  
受錄更生斬穢世不祥福慶隨日增是謂無  
量普度無窮有秘上天文諸天共所崇泄慢  
墮地獄禍及七租翁

道言此二章並是諸天上帝及靈威神王隱  
松之音皆是大梵之言非世上常辭皆斬馘  
不祥之要旨六天殺鬼之司名陰類沮喪邪  
精消却身得長生位登仙眞故謂玄奧難可  
尋詳上天所寶松於玄都紫微上宮依玄科  
四萬劫一傳若有至人看金寶贊心依舊格

告盟十天然後而付焉

道言天斬賊不祥之道實擊大法有四謂九  
六運終三景虧盈聖神休否末學疾傷凡有  
此災不祥之重同氣皆當齊心修齋六時行  
香十通轉經北極中玄天帝君洞陰天尊當  
初飛雷電騎五方殺伐大神威劔神王符圖  
火兵素梟赫天元帥下降斬賊災咎福德立  
降消諸不祥無量之文普度無窮

道言末學道淺真業未成有冥泉之鬼六天  
之神妄作災凶違諸厄難身年注害福祿滅  
削門戶不寧家庭學害同學至人為其行香  
誦經十過以解穰刑禍赦除直穢如法中天  
大神七元真氣下入身中吉祥自生永保利  
貞長存不滅便得神仙

道言夫欲諸天降庭神兵衛身新職不祥者  
齋戒誦經可以致仙真除咎癘也天地運終  
星宿錯度日月失昏四時失度陰陽不調兵  
革時動疫毒流行死民天傷師友命過皆當  
修齋行香誦經夫齋戒誦經功德甚重上消  
天災保鎮帝王下穰毒害以度死民生死受

賴其福難勝故曰無量普度天人

道言凡有是經能為天地帝主兆民行是功  
德有災之日發心修齋燒香誦經十過皆諸  
天記名萬神侍衛右別至人剋得為聖若金  
闕之臣諸天記人功過毫分無失天中神王  
亦保舉爾身得道者乃當洞明至言也  
諸天中大梵隱語無量音 道君撰  
元始靈書新誡不祥玉篇

東方八天

明其海芒	靈路徐悅	珽勤合帝
如輔洞真	警依多迂	麥格需雲
極河沙那	碧漸東霄	持定羽綱
法坡波冷	魯朝仙英	依連極珂
偃秘羅岑	月珠素雜	美拔元慈
寶緒宏參		

南方八天

扶危九首	攸救遏壺	皇鎮洞樊
鄒阿頻蘇	玄尚流函	層論佑霞
道悟正元	麓謀仙居	敬逸元岫
景著其丘	圓羅李僕	凝宜啓珠

雲題廷粵 賢梵遙涂 蕩原宋師

西方八天

直隨宛數	智嬰茲供	河究通極
正斗飛雲	松鏗則肩	嗽池懸宗
告辨丁孟	嘉社元侯	吉河大魁
將誠冥求	金度治華	紫鎮手優
玄道維寂	無始光休	仙氣司屢
四露滄舟		

北方八天

黃玄戴元	攬虎昇乾	梵景流研
符傳炎宣	達羅度命	微玄力延
儀公丹鑒	隱悟定仙	謹濟順常
道明妙筌	軹審勝盈	府圍凝邊
龍黎悉沙	變歌保天	綱瑞素尤

芝瑜功都

道言此諸天中大梵隱語無量之音舊文刻  
紀北都玄臺紫微南館下通鄴羅九幽泉關  
以降道威神賊除鬼魔陰魄屍蠱之氣天真  
皇人採洞清之華染丹筆以成文字皆廣長

一丈以為正音有知其音能齋而誦之者諸  
天皆守護正斬邪之神天妻八威九首四目  
之吏導從丁史下衛其身剪伐不祥惠以福  
澤延命降真書其功勳上奏諸天萬神朝禮  
地祇侍門大勳真王保舉上真道備魁得遊  
行三界昇入金門此音無所不辟無所不獲  
無所不度無所不成天真自然之音也故誦  
之致天真下觀上帝遙唱萬神朝禮三界侍  
軒群杖束首鬼精自亡琳琅振響十方肅清  
河海靜默山嶽吞烟萬靈振伏招集群仙天  
無氛穢地無祲塵冥慧洞清大量玄玄也

元始無量度人上品妙經卷之五十四

靈寶無量度人上品妙經卷之五十五 宣  
追度上世亡魂品

道言昔於龍梵天中景霄幽歌大鍊化土受  
元始度人追度上世亡魂無量上品元始天  
尊當說是經周迴十過以召十方始當詣座  
九皇上真飛天大聖妙行真人玄中法師洞  
陰朝軍鬱絕之境五靈玄老黑帝天君鄒都  
比帝六天大魔救苦靈仙九官曹屬三元考  
氣無鞅數衆乘空而來三景飛雲八景霄輿  
華蓋垂蔭碧翠交光九色瓊鞋洞煥太空七  
日七夜諸天曼城樓觀影徹幽寥珠緯玉毫  
停輪息燿神風襲瑞空藏傾波一國地土山  
川林木編平等無復高下土皆作青玉萬  
里通映無有異色衆真侍座元始天尊玄坐  
空浮九光寶局之上說經一遍諸天大聖同  
時稱善是時大地衆生祖先積罪咸蒙赦原  
說經二過光照九幽開悟宿命說經三過雲  
周道境甘露灑空說經四過火山息焰寒池  
靜波說經五過地獄池關幽憲解脫說經六  
過落滅惡根不沈苦趣說經七過焚燒黑簿

考對休閒說經八過泉曲冥官進陞仙品說  
經九過暗域飛雲陽光蓋翳說經十過枯骨  
更生皆起成人是時一國是男是女莫不傾  
心皆受護度咸得長生

道言是時元始天尊說經一遍東方無極無  
量品青宮救苦大神無鞅之衆浮空而至說  
經二過南方無極無量品朱宮明悟大神無  
鞅之衆浮空而至說經三過西方無極無量  
品素靈宮玄定大神無鞅之衆浮空而至說  
經四過北方無極無量品紫元宮幽感大神  
無鞅之衆浮空而至說經五過東北無極無  
量品鄒都宮雲營大神無鞅之衆浮空而至  
說經六過東南無極無量品九幽宮拔罪大  
神無鞅之衆浮空而至說經七過西南無極  
無量品泉曲宮度生大神無鞅之衆浮空而  
至說經八過西北無極無量品天福宮超化  
大神無鞅之衆浮空而至說經九過上方無  
極無量品真都宮靈妙大神無鞅之衆浮空  
而至說經十過下方無極無量品玄妙宮寂  
定大神無鞅之衆浮空而至十過周竟十方